

QVOD DEUS BENE VERTAT!

DISSERTATIO MEDICA INAUGURALIS,

De

# CHOREA S. VITI,

Quam

Indultu Gratiolissimæ Facultatis

Medicæ in Illustri Salana,

P R Æ S I D E

*Viro Excellentissimo,*

GEORGIO WOLFF-  
GANGO WEDELIO,

Med. Doct. Theoret. P. P. Archiatro Sa-  
xonico, nec non S. R. I. Academiæ Natur.

Curiosor. Adjuncto,

*Dn. Præceptore, Patrono ac Promotore ætatem  
sanctè venerando,*

PRO LICENTIA,

Summos in Artē Medicā honores, insignia ac privilegia  
Doctoralia ritè capeffendi,

*publico Eruditorum examini subicit*

Gottlieb PROFIIUS, SORANUS,  
in Auditorio majori,

Horis ante- & pomeridianis consuetis,

Die XI. Februarii, Anno M DC LXXXII.

---

JENÆ, LITERIS KREBSIANIS.

DISSEMINATION OF INFORMATION

# CHORUS 2 VOLS

Industrious Corporation  
Manufacturers

## GEORGE WOLF GEO. WOLF

Med. Doctor, University of  
Chicago, Illinois

Dr. Thompson, President of  
Chicago, Illinois

PLANTICENTIA

Summons in  
District Court

## GEORGE WOLF GEO. WOLF

in  
District Court

Summons in  
District Court





## PROOEMIUM.

**N**emo ferè saltat sobrius, nisi fortè insanit, verba sunt *Ciceronis* ex *Oratione pro Mura-*  
*nâ*. Linquamus aliis considerationem dicti hujus moralem, an turpe sit saltare, nec ne; nobis id ipsum occasionem suggerit, de naturâ saltationis & tripudii cogitandi.

Duas ad saltandum impellentes causas, ebrietatem & insaniam, innuit, licet una videri possit, cum nil aliud ista sit, quàm spontanea insania. Ultraque excitatos spiritus, tum ad alias actiones, tum in primis ad choreas disponit.

Videas hos tristari magis & lachrymari, illos iracundiæ stimulis, si mero delibuti fuerint, citari. Hic cantat, ille motus inire gaudet Jonicos. Non una scilicet est insania, ut diversi mores in hos vel illos motus eandem determinant.

Utrobique tamen spiritus irrequieti in motum citantur, in ebriis à spiritibus vini, vel cerevisiæ, quam οἶνον *ne, Jivov* cum *Xenophonte* nominare licet, illatis in corpus novis ignibus; in insanis lymphâ, sanguine, bile variè temperantibus motores corporis.

In tripudia hinc exiliunt spiritus, nec acido nimis fixati, nec diluti nimis sero, nec effrenati nimis bile, postquam citati hoc pacto in motum feruntur ad extra, & suo humorumque accito stimulo titillant artus. Accedit eo-



rundem refectrix Musica, sive Æolica quædam strepat, aut Ionica; sive Phrygia alliciat modulatio & auriget in primis trochaicum metrum; quis dubitat posse inde, sanguineum præsertim aut ebrium quodammodo, cieri in saltus?

Sed missis ebriis lustrare animus est, quos cogit morbifica saltare causa, ut exilient & videantur *νεγυβαντᾶσαι*, læto apparente, sed tristissimo spectaculo. Hoc ut feliciter vertat, supremum oro numen.

## CAPUT I.

### *De nomine & definitione.*

**I**N morbis si unquam fieri monstrositates (quod quidem *Averrhoës* asserit) verum est, horrendus sanè & admirandus, sed rarus affectus est, CHOREA S. VITI qui dicitur. In cujus paulò curatius inspecturo viscera primò omnium, quæ quidem afferri interest, nominis videtur saltim breviter operandum evolutioni.

Scilicet Choreæ S. Viti huic est affectui nomen: choreæ quidem, quæ vox Græca est, *χορεία, ἀπὸ τοῦ χορῆς*, quod propriè canentium & saltantium multitudinem notat, à verbo *χαίρειν*, gaudere. Sic Spartæ olim locus fuit Chorus dictus, in quo gymnopædiæ fiebant, & Apollini ducebant ephebi choreas, teste *Cæli Rhodigino lib. 18. c. 5.* Adeoque Choreia tripudium signat ex cantu interstrepente quasi formatum & modificatum. Cum appposito autem Choreia S. Viti vocatur à sancto quodam ejus nominis viro, qui & imprecando id olim mali affricuisse terris & exoratus inde usque sanasse superstitiosè creditur.

Et hic forsàn Presbyter ille ipse est, quem Tarentinus iste nauta exposuerat *Tudecio Anno IX. Eph. Germ. Obs. 116. p. 281.* esse sui, quod nuper tripudiasset, triduanis & frequentis adeò suæ genti maledicti tripudii autorem; quamvis alia & verior subesset, ictus Tarentulæ, causa. Hic est, cui *Hörstius lib. 2. observ. 45. pag. 119.* scribit sacellum dicatum in Ulmensium finibus, & confluere ibi spē sana-



9.  
sanationis saltaturas quotannis mulierculas prurientes multas. Hic est, cui & propè Ravensburgum, oppidum Sueviæ, mons dicitur cum imposito templo sacer, quem itidem frequens olim tripudiantium turba visitavit. Vid. *Camer. Hor. subcis. Cent. II. c. 81.*

Dantur etiam alii vel saltus, vel convulsivi motus, quos quidem consuetudo nostræ conciliavit notioni, de quibus quid sentiendum, inferius expositum ibimus.

Dicitur aliàs *morbis S. Modest.*, nescio, à quo vel S. viro, vel idolo, qualium superiora secula fuere feracissima. *Platero Obs. lib. 1. pag. 85. Job. Rudolpho Camerario Sylloges memorab. & mirab. Cent. XI. part. 84.* & aliis *Saltus S. Viti* audit, quod cum nostro coincidit & ex rei naturâ depromptum nomen est. *Freigio Quest. phys. lib. 24. de nat. popul. fol. 592.* Morbus S. Viti vocatur, largius sumpto vocabulo pro eo, quod modo corpus quocunque p. n. afficit. *Paracelsus choream lascivam* appellat, quia solo eam credit imaginationis vitio fieri, item *Vitistam, de Morbis ament. Tract. I. cap. 3.* *Monavio Epist. Scholz. 200. fol. 329. tristis saltatio* dicitur, quod rei gnaris ob miras agitationes & exquisitissimas defatigationes itemque alia insanæ mentis specimina triste præbeat spectaculum. Aliis *malum S. Viti* lubet nominare, quia bono microcosmico adversa oppido est ac perniciosa.

Quid? quod stupendis talismodi & abditæ causæ *Φαντασµα* perplexus *Monavius* idem hoc esse malum scribat *l. c.* quod *το Σειον* in morbis appellârit Hippocrates, quamvis intimam rei cognitionem non affecutus: adeoque coelo vel deberi putat, vel saltim probari. Nostræ genti dicitur *S. Beits Tanz* / vel *S. Beits Krancfheit* / & hoc ipsum malum illud est, quod frequens ista, sed dira tenet quorundam formula, quando vel irâ citati, vel per jocum incogitanter blaterant: *Das dich S. Beits Krancfheit!* omisso per ellipsin vocabulo *treffe* / vel alio. Neque erit incongruum *Tarantismum* vocare, si sit prægressus aliquando Tarantulæ morsus.

Sed nominalibus satis operatus ad realia me conféro & definitio *Choream S. Viti*, quod sit *insana & insatiabilis saltandi libido, à spirituum animalium p. n. exsultatione in artubus inducta.*

Scilicet libidinem voco ad significandam appetitus vehementiam pariter ac pertinaciam; neque genus occurrebat aliud, quod



tum casibus quadraret cunctis, tum causis esset, quas afferemus, singulis commune.

Ita namque & illos comprehendimus, quos actus exercitus omnino legitur frustratus, quale exemplum *Platerus* observavit. *observ. lib. 1. pag. 92.* ubi Principem quendam memorat Ecclesiasticum, vehementer cum fuisset gravibus aliquot convulsionum quassatus momentis, cepisse tandem ridere, corpus universum agitare, non aliter quam lapsæ mentis errore pertinacius saltaturum. Imò, *addit*, invitasse alios, ut secum saltarent; verum non licuisse, ob adstantium & imminentium vim, nisi appetere avidè saltum inde usque ad finem vitæ.

Et in hoc puncto tum phantasiæ error, tum titillationis efficacia conveniunt; nisi enim nervorum affectio blanda fuerit, nisi titillationis sensu permulserit appetitum, imò nisi imaginationi ita commendaverit se quâcunque specie saltus, ut videatur non sine magno oblectamento, vel aliâ bonitatis ratione ineundus, nulla Vito chorea fiet.

Et insana quidem libido audit, quia mens simul laborat, nec sana est in sano corpore, sed si non quoad alia, sanè quoad hoc ipsum objectum sibi conceptum, ad rationis obrusam factò iudicio fallitur.

Ob hoc ipsum quoque idem desiderium saltandi est insatiabile, ipso motu magis exilientibus spiritibus. Confer. *Dn. D. Praeses, præceptor ac Patronus meus ætatem venerandus, Theorematum Med. Part. II. section. IV. §. 59. pag. 68. & Patbologiâ parvâ MS.* Hæc ipsa verò libido si fine suo excidat, saltatione & tripudiis non consequentibus, saltim gesticulatione ac agitatione quâdam corporis seu universali, seu partiali se exerit.

Saltum ergò esse circa quem hæc versatur insana libido, ipse probat seu exercitus actus, seu vehemens saltandi nisus & postulatio, quæ sunt qui observarunt multi Autores, nominatim *Platerus l. c. Horst. l. c. Tulp. obs. lib. I. c. 16. Epiph. Ferdin. Histor. 81. Ath. Kirch. de Magnetismo &c.*

Adeoque liquet, *Symptoma* esse, uti quidem amant Medicinæ statores loqui, *actionis depravatae*, & quidem animalis, tum quoad sensum illum conceptum voluptatis, tum quoad motum inprimis inde consequentem, quorum uterque *ἀμέτῳ, καὶ ἀπρόσωπον* accidit.



## CAPUT II. *De Subjecto.*

**S**olenne Philosophis est, dividere SUBJECTUM inhaesionis in sub-  
jectum QUOD, & QUO. His si velimus insistere vestigiis, SUBJE-  
CTUM QUOD hominem asserimus, cui soli Medicinam, omnium prae-  
stantissimam artem, in nostro affectu deberi verum est.

Etenim quamvis bruta etiam & insecta dicantur nonnulla salire,  
uti v. gr. de vitulis, de capellis, de agnis & ipsis adeò Tarantulis con-  
stat, quibus de vide *Kircherum de magnet.* & qui ad idem negotium  
suum accendit de hujus lumine lumen, *Hafenreiff. de cut. affect.*  
*pag. 505.* Quid? quod *Epiph. Ferdinandus*, solertissimus Tarantismi  
scrutator, ictam à Tarantulâ vespam, cum forte fortunâ cytharædus  
adesset, qui, gratiâ experimenti, pulsaret cytharam, unâ cum Tarantulâ  
viderit circum circa saltare. Idem etiam de Gallo notavit idem *Autor*,  
qui fuerat à tarantulâ commorsus, *Hist. 81.*

Ille tamen vel innoxius saltus est & naturalis, vel nihil omnino  
refert, v. g. insecta saltare, vel si pecudes fuerint aut aves domesticae  
à motibus talismodi insolitis & morbosis liberandæ, id boni pastoris  
erit, vel alius veterinariam callentis officium. Imò poterunt etiam  
sibi relinqui, ut, quam sanctissimus ipsissimi creatoris digitus in primâ  
rerum origine insculpsit naturæ, suam conquirant ipsæ medicinam.  
Adeoq̃ue circa hæc talia nulla Medicis curatio est; sed, quæ hominum  
sunt mala, ipsos sola tangunt. Vid. *Dn. Pras. Physiolog. Sect. I. c. 8. p. 19.*  
& *c. 9. p. 23. 24.* Unde & nostra hæc nisi ad hominem non pertinet  
speculatio.

SUBJECTUM QUO sunt spiritus, sensus illi ac motus omnis au-  
tores, quos duplici hîc considerare modo fas erit, prout nimirum nunc  
patiuntur, nunc agunt, seu prout objecta eorumque ideas sensibiles  
nunc recipiunt, nunc secundum destinationum idealium fines, uti  
loquitur *Helmontius*, motum efficiunt.

Nulla hîc mentis seu animæ rationalis affectio est, quia in se non  
nisi merus intellectus, sive lumen substantiale & intellectuale, verbo;  
quia ἀνάη & stultescere nescia est; sed soli id omne sustinent spiri-  
tus,



rus, vel si mavis, anima sensitiva, quæ utique morbis est & amentis obnoxia. Interim dolendus ærumnosus mortalium status, quod mens nimirum sit alligata huic animæ sensitivæ: enti nempe impuro, concupiscentiis, illecebris & voluptatibus dedito, eoque tam facile mens immortalis assentiatur, quasi propriâ sui incuriâ jam æternum dormiret, quæ sunt verba *Helmontii Tr. Dem. Idea* §. 28.

Datâ autem spirituum alteratione, non potest non ipsa turbari simul massa sanguinea, imò ipsa prima potest sordes & ingentia impuritatum, ut cum *Helmontio* loquar, aluisse collegia, quæ extra sanguineos hinc alveos dilapsa inquinare demum spiritus, & imprimere iis, secundum eundem, exoticam phantasiam, in promptu est. Sic &, quod Tarantula mordendo infert, venenum quamprimum rapitur per arterias ad cordis dextrum thalamum, & violentam seri & sanguinis dissolutionem molitur, vel saltim, robore naturæ digestum turbas has spiritibus hinc infert.

Quoad actum verò exercitum & ADEQUATE artus, inprimis pedes, hinc totum adeò corpus organicum, requisitis ad motum subsidiis & adminiculis instructum, referenda ad hunc censum veniunt.

### CAPUT III.

## *De Causâ immediatâ & mediatis proximioribus.*

UT igitur affectus plana sit & genuina ratio, in ea prius inquirendum autumo, quæ immediatè, hinc etiam quæ mediatè huc faciunt, proximius & remotius.

Præsuppono autem 1. Spiritus animales esse sensus & motus artifices; 2. Motum esse duplicem, unum qui ex imperio appetitus rationalis vel sensitivi absolutè pendet, conceptus in phantasiâ & inditus membris, alterum, qui à stimulo partium sensibilibus membranosarum in moventes musculosas inducitur; 3. Quicquid partes sensiles blandè ac suaviter afficit, titillationem ac gaudium ciere; 4. In gaudio vel voluptate verâ & quasi tali spirituum quasi dilatari, expandi & ampliari sphaeram; 5. Pro modo verò afficiendi & recipiendi

nunc



nunc æquabiliter, nunc secus expansionem fieri. Hanc, quando res æquali quidem & placido motu, sed pusillis quasi momentis & tantillis inluper intercapedinibus afficit, ut sua momenta quævis comitetur nova spirituum expansio, & quasvis non minus intercapedines eorundem remissio, durante tamen novarum specierum affectatione. Illam verò, quando uno res prolixo vel breviori tractu suas affricat sensivis partibus molles æqualiter qualitates, nec nisi in longam moram desinit.

Unde licet haud difficulter colligere, IMMEDIATAM talismodi saltus, seu libidinis saltuosæ CAUSAM esse exiltionem spirituum, seu expansionem talem, quæ quoad ultimam irradiationis suæ sphaeram protrahatur cum quadam velut interpolatione. Ratio ex præmissis patet, & exemplis maximè firmatur. Sic *Epiphan. Ferd. Hist. 81. c. 2. pag. 254.* senem memorat 94. annorum, impotentem alioquin, & qui se nullo modo absque scipionis adminiculo movere potuerat, tamen à Tarantulâ commorsum & auditis sonis Musicis, saltasse solum & tripudiasse veluti capreolum.

Inde etiam hoc clarum est, non esse hunc gignere saltum idoneum, quicquid spirituum dare exiltionem nescit. Tantum itaque abest, ut convulsivi motus, spasmodicæ membrorum tensiones, vel tensivi omnium artuum dolores propriè dicti, strictè sumpti, & sibi relictæ, quandam ciere voluptatem & spirituum expandere hypostasim ad exultationem seu choream queant, ut potius in spatium angustius hoc pacto contracti subsidant & velut fugâ perculsi ac consternati, imaginationes tantum tristes & formidulosas induant, verbo tristentur. Vid. *Willis. de anim. brut. Part. 1. cap. 8.*

Attamen cum motus hic sit depravatus, cum exilitio sit morbifica, & cum irritatione licet blandius afficiente, cum æmuletur *κλόνον*, nil obstat, quin analogum quid convulsioni aliquando concurrere statuamus, præcipuè, cum in ipsis veris convulsionibus tremulum & velut subsultorium motum videre interdum liceat in praxi. Faciunt huc tum alia exempla, tum ab *Horstio* notata l. 2. de morb. cap. obs. 45. p. m. 119. Confirmat idem *Willisius* l. de morbis convuls. c. 7. & *Bartolinus* vocat sui generis convulsionem, *Cent. VI. hist. 35. p. 259.*

CAUSA MEDIATA PROXIMIOR adsignari potest titillatio quædam partium sensui & motui hinc consequenter velificantium.



Uti enim facta in delicatioribus corporis partibus, plantis pedum, sub axillis, aliisque, per contactum latione variatum seu frictionem, titillatione, in partibus membranosis delectationis quidam, etiam ad molestiam usque, sensus exoritur, unde fibræ motrices ab exaltatione velut spirituum subsiliunt, sus & de moventur, idque citatò; Ita in hoc affectu & similis quasi motus specie eandem concipere licet mechanicam.

Cum ergò quales mores, tales humores; quales humores, tales spiritus; quales verò spiritus, tales quoque conceptus in phantasiâ liceat offendere, meritò id in nostro quoque casu attendendum venit. Hinc ut in omni motu, ita & in saltatorio hoc duo concurrunt: objectum, seu idea, phantasiæ oblata, & latio varia. Vid. *Dn. D. Præses Physiol. f. 4. c. 8. p. 299.*

In omnibus talismodi ægris concipere integrum est humorum vitalium, & hosce moventium spirituum perversum seu turbatum statum, exilientium vel ab externâ occasionali causâ, vel ab internâ. Illius vicem gerit decantatum tarantulæ venenum, quod phalangii genus est circa Tarentum Apuliæ frequens, unde & nomen obtinuit.

Notum namque est, Tarantatos, quos vocant, seu à Tarantulâ demorsos incumbere efflictim in saltus. Unde putandum omninò est, Tarantulas suo ingerere morfu per vulnus liquorem aliquem, velut vespæ vel apis ictum, si quis imperviâ ungue experitur, videmus liquidum post se linquere punctulum, acriusculi & mordicantis saporis.

Idem etiam hic fieri necesse est, & testimonio *Epiph. Ferdinandi* confirmatur, qui *hystor. 81. c. 2. p. 254.* ipsæ feræ, inquit, minimam quandam substantiam in corpora dimittunt. Id quod & ipse affirmat *Galenus lib. 3. de loc. aff. cap. 7.* Imo ipsa Tarantiacorum tam subita tamque vehemens alteratio, gestus, motus, & imprimis ictericorum æmulus color de injecto veneno abundè testantur.

Dubium verò est & disquiritur hinc inde, unde tot tantaque symptomata, tum seorsim saltandi effrenem libidinem excitandi illi vis sit. *Epiph. Ferd. l. c. Fracastorius de contagiosis morb. curand. lib. 3. c. 2. Scaliger Exerc. 185. Sennert. Med. Pract. lib. 1. part. 2. c. 17.* & alii communiter arcanam, occultam ac *âppn* quandam dicunt.



veneni vim esse. Alii, quos inter fuere *Albertus Magnus & James Ardoines*, culpam hanc rejecere omnem in veneni frigiditatem. Cui etiam *Cardanus* addictus opinioni videtur, quando *lib. 9. de subtilitate* Tarantatos scribit non nisi lethargo occupari, qui sit una cum frigidissimo veneno discutiendus saltibus.

Minus hi satisfaciunt animo sciendi avido, nam juxta *πολυ-  
σπύλλον* illud *Hippocratis lib. de antiqua Med.* non siccum æquò, non humidum, non calidum, non frigidum, neque aliud quicquam ex his hominem lædit; sed quod in unoquoque forte & naturâ humanâ potentius est, quodque non possit superari, hoc ipsum lædit. Melius rem explicant recentiores, & inter hos laudatissimus *Helmontius*, qui *Tract. Dem. Idea §. 36. & Tr. Jus Duumviratus §. 40. it. Tr. de Concept. §. 21.* vim phantasticam nativam, characterem idealem, seu singularem & deliram veneni Tarantulæ phantasiâ, quam isthoc in nos introducat, inculcat. *Atban. Kircherus de arte Magner.* peculiarium hoc venenum in phantasiâ insidiarum insinuat; motis scilicet & turbatis humoribus, iisque ad caput elatis, primum spiritus, deindè phantasiâ invadere: hinc denique spirituum ope, juxta conceptas in phantasiâ species, pro ratione individualium hominum temperamentorum humores totius corporis agitare. *Gru-  
bius in de Ictu Tarant. Sect. I. Art. 3.* pro causâ affert fermentum in sale volatili peculiari ac venenato residens.

Ex horum hypothesi statuo esse in veneno Tarantulæ sal quoddam volatile, acre, quod humores alterare abundè possit, & iisdem motum fermentativum inducere; illustrari verò id ipsum potest, si lumen aliquod seu ideam inesse eidem concipiamus. Nimirum ideæ, cum se instar luminum habeant, penetrare alias aliæ possunt. Sic & venenum Tarantulæ ideas continet, peculiari ac individuantem determinatione ad saltum disponentes, quarum cum advertunt spiritus animales præsentiam, primò fugiunt & conveniunt quasi ad regiam, ubi conjunctis viribus novum excipiunt, suis qui successit sedibus, hospitem, cujus si superent vires, si habeant jam, quas volunt, validiores ideas, frustra hic hospes seu veneno tincta idea instat. Interim tamen, relictis aliis corporis officinis inò totâ machinâ humi prostratâ, in hac toti hærent, peregrinâ ideâ, & dum hanc u-



nicè specularunt, fit, ut istius omnem penitus recipiant, nisi plausibilitatis, saltem pavoris specie, imaginem, unde, datâ in primis aptâ symphonîâ, rapiuntur illicò ad ideâ hujus, quæ nesciis se & clanculùm in-  
finuavit, instinctum. Occupati verò sic & corrupti spiritus suas hinc ingerunt ipsi phantasie ideas, quæ spirituum occœcata stigmatē, nunc vela vertit, prout idea noviter concepta impulerit: unde non potest in obsessam ita sensitivam, seu, cujus hæc est primaria facultas, phantasiâ mens amplius lucere. Isthæc itaque rectrice destituta, procellas movet tumultuarias, suamque tempestatem sensim in voluntatis capsam attollit.

Postquam autem se sigillavit hoc pacto idea dementifica seu saltatoria in archeo, ex symbolo tunc altius penetrat & in actum, velut vitam, se distendit continuò vel repetitim. Vid. *Helm. Tr. Dem. Idea; Tr. De ideis morbosis, Tr. Ort. imag. morbos. Tr. de Conceptis &c.* Unde sunt, qui quinque, decem, quindecim, viginti, viginti quinque, & triginta annos eo quotannis tempore, quo primum fuere morsum experti, saltant. Imò sunt, qui uno bis saltant anno, vel quia binos eodem anno perpesi morsus, vel quia culpâ tibicinum primo citò nimis ac intempestivè fuerunt saltu defuncti.

Pertinent huc etiam alia, sanguis, lac, itemque cerebrum brutorum, quæ secundum seminales suas ideas, nisi ab archeo humano subigantur, & destruantur plenariè, absurda obtrudunt phantasmata. Sic scribit *Weinrichius lib. de monst. cap. 15.* puellam Vratislaviensem epilepticam, hausto felino sanguine, gestus, vocem & saltus induisse felinos. Est namque in sanguine spiraculum vitæ, spiritus influus, insitis & specificis spiritibus, qui sunt ideæ, sigillatus: unde etiam est, quòd Deus omni animalium sanguine interdixit Judæis. *Mæbius Epit. Inst. lib. 2. part. 2. cap. 11.* quendam lacte caprino nutritum, cum adolevisset, semper saltare solitum immoderatiùs, & plantas caprarum more arrodere, refert. Vid. & *Sennert. Inst.*

Ulti verò ab externo talismodi fermentativo veneno spumascencia feri stato velut tempore in ὄργασμὸν citanda, & spiritus motorios ad exiliendum citans oboritur, quod suo exemplo tarantati satis demonstrant; ita & citra talem extraneam causam idem contingere posse & observationes & ratio testatur.



Instar omnium sit exemplum apud *Horstium* loco allegato p. 112. laudatum, quale & speciatim, ex observationibus *B.D. Widmarteri*, Archiatri Isenacensis felicissimi p. m. notavit *D. Praeses*. Vidit nempe ille choream S. Viti, licet non semper in gyrum, per aliquot hebdomadas Isenaci in filiâ X. annorum *Joh. Albrechts* / subulci. Tacemus observata à *Tulpio lib. 1. observ. 16. Bartholino, Cent. IV. hist. 35. Platero, l. c. & aliis*.

Quando enim M.S. inprimis serum, salibus peregrinis, volatilibus, modò alcalinis, modò acidis plus minùs, correctis tamen & mitificatis per admista alia, scatet, inde si blandè membranosa afficiuntur vel ipsa nervosa artuum inprimis partes, titillatio & quoddam quasi animale gaudium excitatur, dilatantur animales spiritus, ipse sanguinis *ορμασμός* sequitur & turgescencia, unde secundum titillationis vel similem conceptam ideam veluti ad tripudii numeros motus fit. Quin videmus talismodi quid toto die in ebriis, vaporosis & subtilibus vini particulis volatilibus in motum consimilem citantibus spiritus. Atque hæc ipsa est saltuosa membrorum dispositio *Paracelse*, & aliis laudata. Vid. *Plat. Prax. lib. 1. c. 3.* Talibus enim moti spiritus illecebris & elati imaginationes jucundas ac placidas cient, ipsumque adeò systema nervosum vegetiùs actuanter, oculos, ora, manus, unaquæque membra emicare & quasi exilire faciunt. Vid. *Willis. de anim. brut. part. 1. c. 8. p. 71.*

Utroque casu primariam fabulae partem ludit phantasia. Postquam enim circa objecta in ideâ concepta, licet absentia, variè ludit, nunquam cessat, si idea grata se obtulerit, quæ se suavitatis quâdam specie commendat, solam illam efflictim volvit & constanter, componens insuper affines alias ac dividens, ut, ubi suam interim in archeo vel spiritu sigillavit imaginem, datâ occasione motum, quem sua determinat concepta idea, impellat, mandet, dirigat. Eleganter *Willisius de anim. brut. part. 1. c. 8. p. 67. 68.* quamprimum, ait, imago natio amplectendum quicquam aut averfandum concipit, illicò à spiritibus cerebri incolis in seriè ordinatis appetitus formatur: dein impressione ad præcordia transmissâ, prout ista aut dilatantur, aut contrahuntur, sanguis in varios fluctuationum motus adigitur, & dein appetitus instinctu ad nervos appropriatos transmissio, motus respec-



Etivi eliciuntur. Conf. quæ *Paracels.* habet *de morbis amentium Tract. I. cap. 3.* Et impressis talismodi falsis ideis virtus imaginationis, inquit *Bartholinus de luce hom. & brut. lib. 1. cap. 22. p. 198.* inhaeret magis, quàm externis etiam verissimis. Videatur & *Kirch. Scrut. pest. Sect. II. c. 1.* Sic *Galenus* Melancholicum refert merâ indutum imaginationis persuasione tubicines clamâsse in angulo, qui tamen nusquam neque picti fuerant, neque scripti aut canentes.

Phantasia hinc, teste *Helm. Tr. de ideis morbofis, §. 2.* sigillifera virtus est, vocaturque hætenus imaginativa, quod formet rerum conceptarum imagines sive ideas, easque in spiritu suo vitali characteriset, fiatque proindè ista idea ens spirituale, seminale potensque ad perpetrandum res magni momenti. Ita namque imbuti spiritus deinceps impares fiunt exequendis aliis muniis; nullus posthac est mentis respectus, nulla observantia; sed si modò levis occasio se offerat, si sublevis stimulus accedat, qui turbare eos quicquam tentat, feruntur suo ingenio huc illuc, quò se cunque trahit ideale sigillum, cum impetu, non aliter

*ac si carceribus sese effudère quadrigæ,  
addunt se in spatium, & frustra retinacula tendens  
fertur equis auriga, nec audit currus habenas:*

eò quod semel concepta idea, secundum *Helm. Tr. de id. morb. §. 5.* sigillum sit ad determinatas tantum res agendas. Adeoque verum est, quod idem *ibid §. 37.* scribit, archeum à nemine majorem pati injuriam, quàm à semetipso. Confer, quæ *Idem Tr. Ori. imag. morbofis §. 2.* habet.

## CAPUT IV.

### *De Causis mediatis remotioribus.*

PERGO ad REMOTIORES CAUSAS, quas inter primùm juvat NATURALES lustrare, in specie TEMPERAMENTA. Cumque nosser fundetur in dilatatione ac expansione spirituum saltus, suâ sponte patet, non esse nisi illud temperamentum huic aptius affectui, quod in ampliacionem spirituum pronum magis est, vel quod particulas sulphureas & humidas delicatâ obtinuit seu quantitatis seu qualitatis men-



mensurâ junctas; nec minus, quod sulphureas habet serosis multum superiores, verbo: sanguineum & biliosum. *Freigius l. c.* scribit: in inferiori Germaniâ nulli ferè ab atrâ bile furiosi, sed à sanguine, quod genus furoris vulgus morbum S. Viti appellat. Deindè texture corporis & partium, si laxa nimis sit vel densa, huc multum facit. Cutis nimirum & corporis densitas id habet incommodi, ut transpirationis impediatur negotium, adeoque, exesse quæ debebant, vel extirpari per has portas, salia sylvestria, inutilia, stagnet hinc, regurgitent, ac massam sanguineam & laticem inprimis inquinant, vel torpidum inde, vel efferatiorem futurum.

Maximè verò laxus cerebri status huic velificari calamitati potest, seu recipiendæ sint objectorum species, seu judicandæ, semper incommodus. Præclare hanc in rem *Barclajus Argen. lib. 1. c. 14.* Sunt, inquit, in ejusmodi hominibus laxa cerebri claustra, suâque tenuitate nimis apta recipiendis imaginibus rerum, quas vocamus phantasias. Has in rarâ illâ substantiâ, & suâ levitate quocunq̃ue impellatur obnoxia, semel impressas, ideo delere est arduum, quia ut plurimum aliqua suavitate placent & præterea veluti intingunt animum, non aliter quam per vehementius succedentes diversarum rerum species in alios colores abiturum. Vix est igitur, ut illa ingenia unquam vacent; semper immodicè exirruentium cogitationum impetu aut ægra, aut hilaria. Quod si in aliquem potissimum affectum isti homines cœperint inclinare, hunc assiduum habebunt in animo, hunc præsentem mentis oculis dulci studio alent; seu ille superbia erit, seu habendi cupiditas, aut impatientia ultionis, aut quicquid aliud turbidæ cupiditates objiciunt. Ita spontè inclinati, si vis aliqua vehementior in eam partem ingruit, facillè perturbantur; ut quod diu esse voluerunt, tandem esse existiment; nec jam illæ in domito & assueto animo imagines, rem ut optabilem, sed ut veram & præsentem figurent.

SEXUS æquè est huic uterque symptomati obnoxius, inprimis femineus, cui est & major ferè morbificarum sordium apparatus & ἀρρώστια διαβολίας familiarior, & manere domi, in Italia præcipuè, ubi tamen Tarantulæ & in pomariolis quidem, quæ sunt quibusvis ferè domibus vicina, pullulant abundè, solennius. Imò quod



hic est per vestimenta sua Tarantulis & aliis magis obviis injuriis. Facit huc omnis ÆTAS, maximè verò juvenilis, qui est tùm imaginandis, tùm his quibuscunque patrandis rebus idoneus magis, teste utriusque experientiâ. Vid. *Epiph. Ferd. l. c. Paracels. l. c.*

DISPOSITIO quoque HÆREDITARIA ipsa attendi hinc meretur, quatenus talismodi petulantes ideæ contaminarunt archeum viscerum in parentibus; vid. *Helm. Tr. de morb. archeal. §. 15. 16.* Tarantatum tamen negat *Epiph. Ferdinandus l. c.* generare Tarantatum.

EX SUPERNATURALIBUS Deus præcipuè eminet, quem pene salus nostra est & infelicitas; quem nihil fugit, ne jactura quidem pili; qui justus est virtutum fautor ac scelerum vindex. Unde non potest non fieri, ut contrahat aliquis, suspicante *Monavio loco superius citato*, propriâ sibi & peculiari lasciviâ atque petulantiâ pœnam hanc delicto conformem. Vid. *Plat. prax. l. c.*

*Diabolo* nullum in nos invito jus aut imperium est, nisi peculiariter permittente Domino, verba sunt *Helmontii Tr. de inject. mater. §. 13.* Id quod omninò verum est; si verò indulserit Deus, iste nihil non noxarum intentat homini malus genius. Concedamus, scribit *Willis. de morb. convuls. c. 7.* admiranda in corpore humano pathemata à diaboli præstigiis sæpenumerò produci, quatenus nimirum iste, pro mirâ, quâ pollet, agendi subtilitate, animæ sensitivæ, sive spirituum animalium systasi, atomos sive corpuscula heterogenea insinuat, adeoque functionibus ejus modò stimulos addit, modò vincula injicit, modò eas in perversum rapit: quin etiam aliquo modo ipse corpus humanum subit, & quasi altera anima potentior ei coextenditur; singulas partes & membra actuat, vigore insolito inspirat, ac pro lubitu suo regit, ac ad facinora immania & supernaturalia perpetranda incitat. Quid vulgatius est, ac corrumpi hoc pacto phantasiam lamiarum, ut sive unguento certo delibutæ, sive aliis præstigiis fascinatæ choreas nocturnas somnient, ipsoque corpore suo exprimant?

Inter NON-NATURALES, AER calidus & siccus, sive æstivus ille sit, sive situs rationem & elevationem poli sequatur, causarum noxium cumulum ad producendum hoc monstrum symptomatis augere utique potest, quatenus tùm per cutis poros quaqua versum pene-



penetrans, tum in pulmones inspiratus sanguini se jungit, & quas suo occulit in tumido ventre, heterogeneis, sulphureis, salinis atomis eum in turbas agitatur & fermentationem. Sic & frigidus potest & humidus ac paludosus huc facere remotè aer, ille morbosæ cumulandæ colluviei, hic verò putredini favendo & vappescentiæ humorum. Non parum etiã Schematismos cælestes ad constitutionem corporũ conferre, præter Astrologos, *Crato* scribit *Epist. 102. fol. 177.* id verò ex ☽ & ♀ tum inter se, tum cum aliis, ☿ vel ♂, in primis in ♀, configuratione sinistrâ communiter deducunt. Ita enim mediantibus humoribus spiritus ad varia deliria & phantasmata, ut alia non attingamus, dispositi innuuntur.

**CIBUS & POTUS** qualis & quantus sumatur, multum interest. Ut enim sine Cerere & Baccho friget tum Venus, tum in genere spiritus; ita quæcunque his motum conciliare, vel ideam imprimere peregrinam possunt, huc faciunt, ut victus plenior & largior. Sic cibi calidi qui sunt & sicci nimis, saliti, infumati, acres & alii tales, imò aromata ipsa à cacochymicis & scorbuticis v. gr. frequentata, par possunt nocumentum afferre. Sic vinum etiã meracum, item spiritus vini, seu aqua vitæ, quam vocant, hausta copiosius, huic queunt præparare locum symptomati, exemplo ebriorum, qui, paribus temperamento, moribus & cæteris, ad saltum facilè deviant. Videas hinc delirantes alioquin quietos, novis accendi stimulis simul ac spirituosas talismodi hauserint. Possunt & alia huc referri medicamenta vel alimenta medicamentosa, nimis usurpata, v. gr. saccharata, fumus tabaci, acria, volatilia, halitiosa, quæ caput & humores turbando motibus inordinatis & choreæ ansam præbere possunt.

Nec potest **VIGILIARUM** in primis hinc excusari intemperantia, quia bonos absumit & benignos humores; unde vigiliæ continuatæ ut deliriorum sunt mater, ita & ad choréam hanc aptos disponunt spiritus.

Idem ferè **MOTUS** nimii est vitium, quòd blandum ac mite ferum, spirituum vinculum, disperdat nimis, unde saltationes frequentiores, factâ quasi mutuâ concertatione & provocatione, multum huc conferunt. Hinc nescio an sacro furore, ut fingeant, Corybantes olim, capita saltando jactantes, cymbalaque pulsantes alios in similem rapiem;



biem, an motu potius turbinato se ipsos in furorem egerint; de quibus legi potest *Strabo l. 10. geogr.*

EXCRETA si non sequestrent debita, mirum quantum huc conferunt, quatenus fermentum & consequenter ideam peregrinam facile humoribus & spiritibus inducunt. Inprimis memoranda hîc sudores, menses, & semen retenta; Cûm priora enim exacuere & turbare spiritus norunt, tum inprimis ultimum. Redundat inde in serum & spiritus ὀργασμός, ut citentur œstro & in furorem seu choream lascivam inclinent. Sic *Epiphan. Ferd.* refert *l. c.* ex longâ Veneris abstinentiâ sævire magis Tarantatos, & hanc reddit causam, quod semen retentum corpori sit tanquam venenum, adeoque in corpore reduplicentur venena. Confer. *Galeri lib. IV. de loc. aff. c. 5.*

AFFECTUS ANIMI quoque insontes hîc omninò non sunt: v. gr. desiderium Veneris exquisitum, & aliquando spes sanitatis recuperandæ sunt quasi tympana ad choream hanc compellentia: unde Veneris qui stimulis aguntur, ob perpetuam spirituum effusionem in quasvis libidines pronissimi sunt, maximè si sic tulerit occasio, vel venenum compulerit, in saltum, tanquam scopo viciniorem. Amor enim & salituriendi pruritus conjungi facile possunt, imò amant. Sic virgines refert *Epiph. Ferdinandus*, miscuisse subinde saltibus obscenos libidinis gestus & desperationis quædam indicia, manifesto argumento, custodire secum solliciti & ad desperationem ferè adigentis amoris, atque saltandi cupiditatis copulam.

Contra ea quibus de meliore luto finxit præcordia Titan, & pudor ac verecundia insedit magis, pudendam hanc, quamvis cum internecone ferè suâ, detrectant choream. Sic alii, quos quædam acerbior occupavit tristitia, non cedunt titillantibus veneni stimulis, sed suo genio lugendo, lachrymando, ululando impensius litant, usquedum apta chordarum vis horum magis juvet aditum, ac istam non nisi ægrè migrare faciat. Singulare ac mirabile exemplum in *Epist. Scholz. 200. p. 329.* extat, quo duæ dicuntur saltationibus continuis exanimatæ puellæ miscuisse subinde sobrias devotasque Deo preces, quibus credendum est impressam adeò pietatem ac Dei amorem fuisse, ut ipsa nequiverint phantasiæ stigmata illum oblitterare.

Plurimum hîc etiam *pavor* ac *imaginatio* potest, v. c. si imprecatio, si ictus Tarantulæ facta fuerint. De illa res, puto, clara est, quam



quam non credo nisi forti ac pavidâ imaginatione, aut omnipotenti digito deduci in actum. De hoc autem sic habeo mihi persuasum, fore utique, ut multi minimè saliant, ut potius, melancholici inprimis, iracundi, pugnaces &c. secundum suam quisque indolem, tristentur, ferociant, pugnent saltim; nisi valida inhæreat simul sed vana animo persuasio, esse necessariò Tarantato saltandum. Inde etiam est, testimonio *Epiph. Ferdinandi*, quod multi suo nequeant defungi priùs saltu, quàm istum redierint saltando ad locum, ubi ictum passi. Scilicet opinio est, *morta la bestia, morto il veneno*, occisâ vel mortuâ Tarantulâ mori etiam venenum, & consequenter cessare saltum, unde locum affectant, qui demorsos habuit primus, necem intentantes sui effectrici saltûs Tarantulæ; sed frustrâ. Imò ausim dicere imaginationi quoque ex parte deberi recursum annum, eumque velut statum affectûs, cujus tamen potissima causa est feri nova spumascentia, siquidem notum est hoc ipsum si peregrina susceperit *μιάσμα*, nec archæi imperio æquè auscultet, ad macrocosmi modulum magis inclinare, & hujus exprimere mutationes. Accedit, quod mensibus calidioribus, Junio, Julio, Augusto, & fervente Sirio faces ad saltandum accendi magis legantur.

Tandem ad PRÆTERNATURALES descendimus CAUSAS, quæ quidem hîc magni momenti sunt. Attendi meretur *viscerum atonia*, præsertim splenis, de quo vulgatum illud notum est: splen ridere facit, seu pro feri, quod idem dispensat, statu affectus lætos vel tristes vis; *vasorumq; contumaces obstructions*, atque adeò *mali hypochondriaci* atque *scorbuti* vitia, de quibus videatur *Willisius de morbis convulsivis c. 9.* Inprimis *Melancholia*, quæ salium est admodum fertilis, & *ἀπρωσία τῆς διαβολῆς* incurrunt hîc reprehensionem. Sic dantur ad quemvis fidium strepitum qui moventur, nutant, gesticulantur, subsiliunt, &, nisi saltandi venia sit, saltim pugnis & pedibus cantilenæ rhythmum explicant, nulla aliâ ex causâ, quàm quod tenellos ac delicatos indepti nervos ex talibus oppidò sentiunt titillationem, quæ quidem rationis debebat ac judicii pondere obtundi; verùm hîc cum deficient, ruunt facilè, quò fert sensitivus appetitus.

Cumque duo potissimum in affectu hoc concurrant, vitium appetitus & motus, velut affines morbos huc facere claret tum deliria



media, citra furorem, citraque tristitiam, (illa enim dari experientia toto die confirmat,) tum motus spasmodicos.

Pertinent ad hanc classem, quos *Bodinus* refert *Method. histor. lib. 2. c. 4.* ad lasciviam & inconditam saltationem furorem impulisse; Item quorum ingentem magnitudinem anno 1373. *Ludov. Maleanus* scribit, *Annal. Flandr. lib. 14.* venisse ex finibus Rheni & Mosæ in Flandriam, qui gregatim choreas duxerint, ac indefinenter cantarent, saltarent, haud secus ac furiis essent agitati; Nec non quam ex *Petro Præmonstratensi* memorat *Camerar. Hor. subcis. cent. 11. c. 81.* venisse circa idem tempus ex Aquisgrano in Hannoniam atque inde usque in Franciam mirabilem sectam, tam virorum, quam mulierum, præter omnem verecundiam chorizantium, qui videbantur sibi in sanguinis saltare flumine, quamvis adstantes nihil tale adverterent. Hos omnes videtur phantasiæ seu imaginationis gravis error habuisse, quanquam etiam de diaboli fraudibus suspicari liceat.

## CAPUT. V.

### *De Differentiis.*

**E**X recensitis hætenus non difficulter erui possunt differentiæ morbi variæ, v. g. ratione *GENERIS*, Chorea S. Viti alia est *continua*, quæ vel ad ipsum saltationis terminum continuâ duratione producit, vel saltim inevitabili dormiendi necessitate interpellitur. Talis est, quam observavit *Platerus Obs. lib. 1. p. 85.* Talis quoque est, quam *Tulpius* notavit *Obs. lib. 1. c. 16.* Alia *periodica* est, quæ singulis vel annis, vel mensibus aliisve temporis mensuris repetit, qualis illa mulierum fuit apud *Horst. l. c.* & Tarantiacorum ferè omnium est saltatio.

Ratione *SUBJECTI*, alia *essentialis* est, cujus in spiritibus hæret & ipsa phantasia focus; alia *dependens* seu *sympathica*, quæ sanguinis magis massam vel viscus aliquod vitiatum sequitur. Alia item *Virorum*, alia *mulierum*. Alia *Juvenum*; alia *Senum* est. Alia *universalis*, quoad totum corpus, alia *particularis*, quoad manus, vel pedes; quò *MALLEATIO* spectat à *Tulpio* observata. *l. 1. Obs. cap. 17.*



Ratione CAUSARUM alia *naturalis* est; vocando id naturale, quod captum humanum, siue præternaturale illud sit, siue non-naturale Medicis, non superat. Tales sunt, quæ vel à morbo alio; vel ab imaginatione depravata; vel veneno Tarantulæ dependent. Alia *supernaturalis* est & *mirabilis*, quæ vel à Deo, si quis saltando deliquerit, velut *Platerus Prax. lib. 1. c. 3. p. 89.* monet; vel à diabolo, qualis forsan furor *corybanteus* fuit & Saliorum, Martis sacerdotum, vel per fascinum à *sagis* immissa habetur.

Ratione *accidentium* alia *solitaria* est, quæ sola suam agit tragediam; alia *comitata*, quæ alios habet vel morbos, vel animi affectus supra memoratos, comites. Ut taceamus variare quoque hanc choream ratione musicæ, tum in genere, quatenus vel sine eâ sit, qualis mulieris illius Basileensis fuit, & volatici istius hominis apud *Tulpium*; alia cum eâ agitur. Sic *Horstius l. c.* scribit, fuisse organon quoddam musicum in Viti isto sacello, quod in gratiam illarum prurientium mulierum pulsari sueverit. Sic omnes ferè Tarantati ad sonos musicos saltant. Tum in specie aliâ ad *cytharæ* strepitum, aliâ ad *tibiarum* flamen, aliâ ad *tympanorum* vel *campanarum* sonum; aliâ ad *tubarum* clangorem & ipsam *bombardarum* explosionem adornatâ. Et id quidem nec loco uno, aliis in oppidis vel domi, vel per plateas publicas salientibus; aliis extra mœnia, vel per agros, vel per publicas vias magis, prout sua quemque amabilis insania ludit.

## CAPUT VI.

### *De Signis diagnosticis & prognosticis.*

PRiUSquam verò ad CURATIONEM nos accingamus, suis oportet ex omnimodis signis eruamus genuinum affectum, ut medelas deinde prosper eventus sequatur, ignoti namque nulla est curatio morbi. *Imminentem* itaque risus, ridiculæ gesticulationes, ut & membrorum inquietudo ac artuum imprimis siue titillatio, seu repetente annuo tempore tensivi dolores prædicunt, uti *Horstius l. c.* testatur, propriâ mulierum, quas allegavimus suprâ, edoctus confessione. Sic *Plate-*



*rus Obs. l. c.* scribit, Principem quendam risisse prius & universum corpus in lecto agitasse, quàm isthanc saltandi insanam libidinem præ se tulisset.

Eadem ferè instantis Tarantismi indicia apud *Epiph. Ferdinandum* (hic namque ceu testis magis oculatus unus ferè est instar omnium) sed recidivi sunt, non primi: hujus namque non est nisi ictus Tarantulæ argumentum, & succedens ut plurimum dolor, frigus totius, crurum labefactatio, & quæ *Hafenriff. de Cut. aff. lib. 3. p. 476. & seqq. ex Atkan. Kircher*o quamvis diversa longè ab iis, quæ notavit *Antonius* in domestico malo *Ferdinandus*, recenset alia.

*Præsentem* significant utrobiq̃ue 1. ESSENTIALITER INHÆRENS, ipsa infatiabilis adeò saltatio; nonnunquam sola tripudiandi cupido, totiusque corporis motitatio subsultoria & saliaris urget, validis circumstantium brachiis interclusa.

2. ESSENTIALITER CONSEQUENTIA sunt varia concurrentia symptomata, & quidem, inter *actiones læsas animales*, primò omnium mentis se offert alienatio, quia dies noctesque nonnulli saltant ad plantarum usque pedum excoriationem, quod *Platerus* in muliere observavit *loco suprâ citato*. Adest omne delirii genus, inquit *Ferdinandus l. c. p. 256. 259*. Adest dolor, pruritus vel titillatio, quod perpetuus artuum motus & jectigatio indicat per ipsum etiam cibationis aut somni momentum constans, quod *Platerus* in eadem foeminâ notavit. Quandoque etiam vertigo adest, inprimis in Tarantatis, & contumaces vigiliæ, item priapismus, nonnunquam febris, surditas, visus diminutio & alia adsunt. Huc quoque Musicæ pertinet ingens desiderium, clamor, cantus.

*Vitalium* actionum symptomata fere hæc notantur: lipothymia, si defatigatio nimia fuerit, aut intempestivè destituerit Tarantatos musica, teste *Ferdinando pag. 254. Alex. ab Alex. Geneal. dier. lib. 2. c. 17*. Pulsus, non invenio, qui expertus fuerit, procul dubio verò celer erit & magnus, ipsi conformis spirituum tumultui.

Ex *Naturalium* classe adsunt inappetentia solidi inprimis: vinum enim ferè omnes bibunt Tarantati maximè, teste *Ferdinando*. Item nausea hos affligit, atque materiæ pallidæ, nigræ, rubræ, viscosæ, crassæ, vitellinæ, & nonnunquam velut telæ arancarum vomitus quandoque; cibi,



cibi, si quem ceperint, ferè nulla est digestio, alvus nunc dura, nunc fluida, seminis profluvium, lacrymæ adsunt.

In *Excretis*, præsertim in Tarantismo, urinas vel retineri, vel aquosas observavit *Ferdinandus*: imò nonnunquam & in his inesse velut telam araneorum. Idem quoque in facibus visi scribit, aliquando sudorem notari frigidum. In *qualitatibus mutatis* oculi Tarantatorum atque adeò cutis omnis velut ictericorum flavet, sunt tamen, quorum etiam oculi rubent; loca icta his rubent, istis nigricant, illis livent, prout vel venenum, vel ægri temperamentum ferunt. Membra præter genitalia extenuantur macie, lingua ingrossatur, ventriculus inflatur, corpus friget &c.

3. Ex fonte CAUSARUM huc faciunt prægressa varia, quorum cognitio ex indagatione sollicità non erit difficilis; licet in Apuliâ à Tarantulâ sæpe inadvertenter demorsi ex hoc potissimum effectu dignoscantur. Ubi verò vel non reperitur eadem bestiola, vel minus noxia, de aliis causis cogitandum est. Ita enim 4. ANALOGISMUS quoque id detegit magis, comparato ægro vel ad *similes*, quorum lymphatam mentem exposuimus, vel ad *seipsum*.

Sed cum alii quoque dentur motus vel tremores, qui cum Choreia S. Viti quâdam affinitate gaudent, vel vulgò reputantur pro iisdem, secus tamen habent, è re erit, certa quædam ex signis memoratis eruere *νευρίαι*, quibus ea æstimare infallibiliter liceat, in quo & quantum differant. Scilicet Choreia S. Viti insana & insatiabilis libido saltandi est, adeoque differt à *Melancholiâ erubundâ*, Arabibus Kutubuth dictâ, quâ homines ne horam quidem in uno loco quiescere possunt, sed hominum consortia fugientes, hinc inde continuò vagantur, quò verò vadant, nesciunt. Deinde differt ab illis casibus, ubi hic vel ille artus vehementer motus ac tortus difficilem vel reddit, vel impellit incessum, qualem *Grubius* notavit *Tr. de iet. Tar. Sect. I. Art. 4. p. 36.* Demum ab illis quoque differt, qui nutante hinc inde incedunt corpore, qualem invenire foeminam est ap. eundem *Grubium l. c.* & similem casum non semel observavit *Dn. Preses*. Illi namque vagabundi homines nullâ membrorum jectigatione violentâ, nullo saliendi desiderio errant, sed hominum saltim consortia averfantes nusquam tutam fidem putant. Hi verò & isti tantum ab-

est,



est ut saltent, ut potius tremant, & quò ipsis est vel necessario, vel divertendi animi gratiâ eundum, ægrè moveantur.

Quoad PROGNOSIN SALUTIS & MORTIS, laudari meretur & huc applicari *δ. apb. 53.* ubi *Κου αἰ παρὰ Φροσύνας*, ait, *μετὰ γέλωτος γινόμεναι, αἰσθαλέσσαι, deliria cum risu accidentia, tutiora.* Cum ergò levis hic error mentis sit, nec quoad alia semper, & saltem quoad hoc, seu saltum notetur, desperandum de salute non est. Exempla si non perfectè, ad tempus tamen, restitutorum talismodi hominum vide apud *Platerum l. c. Horstium l. c.* & alios. Ex mille Tarantatis, scribit *Ferdinandus l. c. p. 255.* si antidota ritè applicentur, vix alter vel duo peribunt. Sic etiam *p. 263.* non est, *inquit*, venenum, Tarantulæ puta, adeò exitiale, nam cedit ut plurimum & quasi semper ejus ictus antidotis, nec moriuntur, monet *idem p. 253.* nisi quibus vel antidota præstò non fuere, vel maximè Musica defecit. Omnis verò salutis spes in solo ferè sudore ponitur.

LONGITUDINIS & BREVITATIS signa sunt eadem ferè, quæ deliriorum aliorum. Uti enim quæ cum febris contingunt, brevi finiuntur magis; sic quæ citra eandem sunt, diuturniora esse consueverunt.

Quamvis enim mortem ipsam aliquando, eamque brevi inferre scribatur morsus tarantularum, si remedii genus nullum adhibeatur, malum negligatur, æger sit tenerior, vel inde eveniens *Φροσύνη πρὸ ἀναγκαῖα, delirium circa necessaria* sit, cibum, potum, & similia, elogio *Coi, coac. prænot. n. 98.* Attamen, si contrarium accadat, ut plurimum diuturnum malum esse solet. Hinc & citata superius puella per aliquot hebdomades cum malo conflictata fuit, prius quam restitueretur integrè. Non facilè enim est eccentricitatem hanc intellectus & consequentem motus curare. Quod si materia morbifica, & venenum cum primis perfectè evacuata fuerint, malum penitus jugulatum; sin secus, & reliquiæ manserint, saltem sopitum iri ad tempus statuendum est.

Ut de MODO EVENTUS constet, videndum, quomodo vires habeant, & quamdiu duraverit saltus. Si longior fuerit, si vires attriverit, clausuram actum vel scenam subitam lipothymiam somnumve diuturniorem innuit. Hæc verò, cæteris paribus, sperare meliora jubent.



bent. A morſu ergò tarantulæ quæ fit, diſcuſſione veneni finitur. Quæ ab aliis cauſis, ſpirituum & humorum titillante ſaliari fermento correcto & deſtructo.

## CAPUT VII.

### *De Curatione in genere, & ex fonte Chirurgico.*

POſtquam itaque tenus hac Choream S. Viti depictam ad vivum quaſi dedimus, reſtat, ut in ejus etiam curationem, quantum fieri poteſt, incumbamus. Aſt ne *ἀνευ μεθόδου* videamur quicquam tentare, à tribus inprimis pendebimus indicationibus, curatoria nempe, præſervatoria & vitali.

CURATORIA in eo tota erit, ut enormis ſaltandi libido, ſpirituumque vitioſus motus coërceatur, & dulcis quies ac optata pax inducantur.

PRÆSERVATORIA id curabit, ut fermenta inidonea tollantur, præcipuè, ut noxio ſpiritus eximantur ſtimulo, ſive humorum illum addiderint quiſquilæ, ſive venenum ipſum poſuerit, ſive tandem ipſa externa, quæcunque fuerint, alant. Deinde laborabit, ut caput & tota adeò cerebri progenies, nervi, alterentur, roborentur; imò viſcera abdominis, hypochondria, lien, uterus emendentur, ac reparatis viarum anfractibus, demptoque ſpumæſcentiæ œſtro, procedant cuncta ſecundum œconomix humanæ leges, ac lymphæ inprimis ſuos intra alveos pacatis undis labatur.

VITALIS de viribus reſtaurandis ſolicita erit, & accommoda huic fini proponet media.

Indicata autem hîc alia atque alia proficua malo remedia petenda maximè ex triplici Medicinæ penu ſunt. Et quidem ex CHIRURGICO primùm VENÆSECTIONEM poſtulabimus, quæ an & quando conveniat, ex proportionem indicantis ad indicatum, eruere medico rationali difficile non eſt. In Tarantiſmo malefidum venenum eam prohibet, ex eâ ratione, quia potior alia eſt indicatio, diſcuſſio & annihilatio ejusdem, citra quem



respectum potius metus est, ne reliqua hinc veneno facilius massa pateat. Sic nec in illâ choreâ proderit, cujus in humoribus focus, & sordium noxiarum in primis maximè viis ingens apparatus est. Proderit tamen secundariò ad deplendam mensuram superfluam, ad alterandam intemperiem, idque potissimum, si circumspectè adhibeatur, si machinæ humanæ fuerint vestibula purgata, ad mitigandum effrænem sanguinis tumultum. Proderit, ubi error phantasiæ, tumultuariis humorum ideis debitus, rationi indixerit bellum, ad delendas istiusmodi insanas imagines, frangendumque spirituum morbosum robur.

Præter hoc evacuans remedium generosum illa quoque ex chîrurgiâ huc arcessenda, quæ speciatim morsum tarantulæ concernunt, & venenum inde humoribus vitalibus illatum, ut ad extra magis vocetur, & in centro quasi detineatur, figaturque. Conveniunt hunc in finem tum SUCTIO ORIS, *Dioscoridi lib. 6. c. 40.* in quovis venenosi animalis morsu tantoperè probata; tum HIRUDINES, CUCURBITULÆ cum & sine scarificatione, ipsaque VESICATORIA, ex cantharidibus, quæ *Epiph. Ferdinando l. c. p. 260. 264. & Job. Bapt. Porta lib. 6. Phytbogn.* bezoar dicuntur veneni Tarantulæ, adeò ut & internè ternario vel quaternario numero in potu dare quidam sustineant, citra tamen rationem. Ita verò compendiosâ viâ evocare licet ichore scens serum unaque efficaciter averruncare fermentativum venenum.

Par ratio est CAUTERIORUM actualium; ignis enim & hoc casu destructor est seminum morbificorum felicissimus. Nec FONTICULI frustra fuerint, cum corrigendis lymphæ vitiis unicè dicati sint, in ulsi brachio vel pedi, vel quoque ipsi nuchæ.

Neque verò ad maniacorum Paracelsicam curam opus est devenire, apertionem apicum digitorum puto, ut dolore commoti resipiscant tandem desipientes. Potior erit heroica curatio per SALIVATIONEM mercurialem, præmissis universalibus aliis summo cum successu, nullo cum periculo applicanda, ut hoc pacto contrarius motus fero inducatur, & exitu dato sufficienti spumescere & rarefieri vitiosè desinat.

Singula hæc & extra clima Tarantismi aliis in casibus locum suum inveniunt, ut correctione humorum debitâ factâ spiritus quoque ad moderationis leges reducantur.



## CAPUT VIII.

## De Curatione ex fonte pharmaceutico.

**G**enerosissima ad scopum medicum consequendum ex PHARMACIÆ pharetrâ depromi possunt remedia, quæ dogmatico more suis loculis recondita exhibebimus, ut prudenti medico ad manus sint, inde depromenda.

EX LENIENTIUM penu licet videantur levioris armaturæ milites depromi posse, illa tamen insignissima sunt, tum per se indicata, tum ut reliquis aditum adparent. Solet enim archeus exorbitans & ad alia diversus seu intentus ut plurimum derelinquere stationes excernendorum, vel à congestione in primis viis humorum turbari magis, quasi è minerâ hâc morbis productis, vel aliunde illatis adaugeri solitis. Commendari possunt in rem nostram sequentia: *MP Fearum Schröd. aloeticarum*, fermento & astro *♂li* roboratarum, *extr. hellebori* *♂le*, *♀ ⊕. s. Dris, ♂lis, crystalli ♀ ⊕ trati, ♂les, ⊕ laxativum*, & similia.

Clysteres quoque laude suâ non carent, ex emollientibus, cephalicis, nervinis & abstergentibus concinnati, additis ex legibus artis lenientibus & stimulantibus.

Sin PRÆPARANTIBUS opus sit, præstò sunt delirantium idearum averrunci strenui *♂lia* & *♂iata*, utpote mineræ & foco alterando debita, aliaque blandâ suâ nitrositate & balsamicâ virtute novum vigorem M.S. foenerantia, v.gr. *croc. ♂ Ant. pulv. cach. cinnabarinus Dn. D. Pras. Ra ♂lis pomata, cydoniata, tamarindinata*, accessione arcani *♀ri, liqu. ♂lis, ~us ♀ri, ⊕, ⊕ \*ci*, aliorumque roboranda, *Ra ♂ balsam. essent. fumar. lignor. pæon. anagall. s. & compos. Ra ♂ii duplicata, elixir hellebori, Ra antimaniaca cum ~ ⊕ \*ci vinoso*, quæ ipsa quoque specificorum classi adnumerari jure merito possunt.

PURGANTIBUS *ἀνω* & *κάτω* feliciter curari posse, quorum mens integra non est, dudum in proverbium abiit. Quid enim ad Anticyras ire, nisi hoc est? Ita enim immerse humoribus turbantes ideæ cum iisdem educuntur, & bilis deliriorum non minima causa



corrigitur apprimè. Laudamus benedicta ex *belleboro nigro*, *giapapâ*, *scammonio*, *fennâ*, *lap. Lazuli*, medicamenta, variis formis præparata & composita, prout vel pilularum, quas hîc eligi magis usus obtinuit, vel pulverum, vel per *Tringæon* etiam, junctâ cum alterantibus operâ, infusorum aliaque placeat varians miscela.

Præstantiora his sunt EMETICA, propinquius eradicantia & revellentia malorum fontem, unde effectus probatissimos notârunt practici, inprimis si hypochondria, ut fit, concurrant, vel morbus vetustibus indigeat. Præstò sunt ☉ Oli, ☿ vita, ♀ emeticus, ▽ bened. Rulandi, suis dosibus propinanda.

Ex DIURETICIS mutuari fas est acidula, refrænantia & temperantia, clyss. ☿ utrumq, arcan. ♀ ri Ale, arcanum duplicatum & iatum, Ram aperit. Alem, ~ Oli ♂, aper. Penot. M. S. antiscorb. Alem, aliaque satis eximia.

Neque seorsim digredi ad seligenda DIAPHORETICA opus fuerit, cum eadem specificorum censu venire queant. Ut enim dicamus quod res est, videntur SPECIFICABIGÂ medicamentorum absolvi posse, BEZOARDICORUM & CEPHALICORUM.

Illa magis locum inveniunt, quando morsus phalangii inflictus fuit ex improvîso. Liceat nobis asserere, maturâ hâc ope omnem vim veneni in suâ herbâ extirpari posse, modò vegetiora, volatilia vel media, propinentur prius, quàm corrumpere possit vel radices agere id ipsum; v.g. laudatissima eo casu *theriaca*, *mithridatium*, & ex iisdem compositum *electuarium specificum Scaligeri*, ex. 185. *elect. Orvietanum*, Ra bezoardica Mich. D. Pres. Rolf. Moeb. M. S. *electuarium antiphalangium Ferdinandi*, bezoardicum de tribus Knöphelii, + bezoardicum, ~ C.C. ebor. serpent. viperar. essentificati, liqu. CC. succinat. & similia, interpolatis pro re natâ fixioribus, ☿ diaph. bez. min. Ali, Dari, magist. C.C. spin. viper. ebor. pulv. bez. utroq, D. Præsidi, extr. scorzon. montan. &c. Componi hinc corpus ad sudorem potest, & repeti antidotus, diversis memoratis in eundem effectum conspirans.

Hæc verò, CEPHALICA, humorum correctis vitiis, spiritus componere norunt, delirio & irritationi titillanti debita. Laudamus hoc nomine è liquidis: ~ Oli volat. epil. s. & compos. elixir cephalicum Rolf. Mich. Pres. eff. sang. asin. compos. liq. cephal. Wedel.



⊖ ❊ci, & cui vires suas largitur unice, *Ram De*, *Ram comillior*.  
*c. lign. c. succ. citr.* ▽ *hirund. c. castor. pæon. &c.* Ex solidis instar o-  
 mnium sunt *cinnabarina*, *cinnab. nat.* ❊ii, *fl. cinnab. nat. specif.*  
*ceph. pulv. epil. March. spec. de gemm. fr. diamarg. fr. cordial. tem-*  
*per. magist. corall. perl. lap. laz. De*, ut alia prætereamus alterantia  
 communia & propria, decocta, infusa, emulsiones, potiones, mixtu-  
 ras, variis scopis conjunctis aptanda.

Utrisque pondus addunt, & per se quoque laudanda sunt O P I A-  
 T A. Cum enim inquietudo adsit, spiritus sint efferati, effrenes, a-  
 deoque quovis modo ligandi, meritò ad sacram hanc anchoram con-  
 fugimus, omnibus illis navem microcosmicam turbantibus fluctibus  
 frenum insipientem? Hinc optimo consilio theriacæ, moribus ani-  
 malium venenatis debitæ, tanquam fulcrum & basis inditum fuit opi-  
 um, ut *mole minimum, facultate maximum humorem*, morfu ictuve  
 in corpus missum, (ita vocat *Gal. l. c.*) promptè expelleret & ferment-  
 ativum motum statim sisteret. Optimè hinc pro specificis laudan-  
 tur eadem à *Paracelso*, & vel primariâ, vel comitante secundariâ dosi  
 dari possunt, *laud. op. magist. anod. cephalicum, essent. anod.* tum a-  
 liis modis, tum beneficio fermentationis separativæ parata.

Quod T O P I C A attinet, duplicia esse possunt itidem; vel mor-  
 fui venenato debita, vel nervoso generi ac demulcendo corpori. Il-  
 lo fine *theriaca, allium, cepa, ruta, ❊ rutaceum, bezoard. V campbo-*  
*ratum, ❊ Pri foetid. camphorat.* & alia prosunt, pro eluendâ ac fo-  
 vendâ parte affectâ; ut non laudemus leviora, gallinæ deplumatæ  
 applicationem &c. Hoc *anguentum nervinum, martiatum, are-*  
*gon.* cum *ol. rosm. sassafir. castor.* & similibus, *linim. nervin. D. Pras.*  
 &c. Non minus epithemata refrigerantia ad frontem, testes, pul-  
 sus laudari possunt & in usum duci, ex ▽ *ros. solan. nymph.* ⊕ *giat.*  
*succ. semperv. ❊, decoct. fol. labiuc;* ipsaque pediluvia non erunt de  
 nihilo.

## CAPUT IX.

### *De remediis aliis, & Diætâ.*

Communi vulgi & medicorum opinione ac persuasione remedi-  
 um unicum & probatissimum Tarantulorum habetur Musica;



adeo ut vel magistratus conducere sumptibus publicis scribatur, qui fides vel tympanum pulsando adeoque musicis modulis animum delinientibus miseros saltatores vel solentur, vel curent. Imò artificium non leve ponunt, in individuali sono inveniando, non omnibus ex æquo recipientibus remedii vim, vel promiscuè ad quemvis chordarum impulsus salientibus.

Argumenta pro hâc panaceâ laudantur non levia, musicæ vis in demulcendis & sopiendis spiritibus, in excitando sudore, per motum consequentem, & quæ omnibus prævalet, experientia, toto die testata. Verùm si rem penitiùs pensitemus, vix adduci possumus, ut musicam pro genuino & adæquato remedio habeamus, ut potius quicquid præstare fingitur, motui adscribamus. Hinc sine dubio non nisi cura palliativa & accidentaria inde expectanda, vertente anno repetenda. Concinnè hanc in rem *Cardanus l. c. p. 357.* Non musicâ, *scribit*, sed labore venenum discutitur; & *Scaliger* ejusdem censor ad hunc locum, rectè, *addit*, tu musicâ curari negas. Labore namque ac sudore tum vincitur, tum expellitur venenum. His ipsis gemina est *Pamcelfi* sententia, absolum esse musicâ uti, opus potius esse abstinentiâ, aliisque remediis, quæ sanguinis & spirituum motum defervesce faciant, imò, si providè instituat, præfert ferulam. Eandem etiam Romano cuidam 24. annorum Juveni, cum talem insanam saltandi præ se ferret libidinem, dictat *Heinr. Schickardus in Itinerario Italico*, scripto Germanicè, medelam, nempe triremes.

Satius fuerit, impellente intrinseco unaque expellente uti bezoardico, quo facto per confessa saltationem unicè præcaveri constat. Solis verò impellentibus externis pro citando sudore uti velle in scholis medicis est inconveniens, vel saltim insufficiens.

Memoranda hoc loco curatio est generosa & probata, per elementum benedictum aquæ, à *Pamcelso* & *Helmontio* commendata, factâ in eandem submersione, quâ de latius hic legendus *l. dem. id. §. 47. seqq.*

Ut de **DIÆTA** pauca addamus, omnis quoque eò dirigenda est, ut conquiescant irrequieti spiritus. In **VITALI AER** ad frigidum inclinet, calidus vitetur vel temperetur.

In **NATURALI CIBUS & POTUS** tenuior convenit, ille par-



parcior, hic sufficiens. Sanè abstinentiâ & hic morbus magnus curabilis est. Absint saliares dapes, VINI potus exulet, vel non nisi ὀλιγοφώρον concedatur. Ita enim brevi mitescent spiritus, ablato fomite lautiori.

SOMNUS humectantibus aliisque remediis concilietur, & concedatur longior; VIGILIE proscribantur, nec studio protrahantur. Loco MOTUS quies imperetur, quem in finem & carceres quidam remedium esse perhibent satis commodum.

EXCRETA suo respondeant quælibet officio, & id nisi fiat, curetur emollientibus cibis, vel lenientibus medicinis. ANIMI AFFECTUS in contrarium rationis freno dirigantur, si non ab impotentibus animi ægris, tamen ab adstantibus & medicis, ut qui læti videntur, in contrarium, tristitiam, flectantur, adeoque medium emergat, quod sanitatis est proprium. Sin VENUS ansam præbuerit intermissa, venere curetur licitâ, unaque exorbitantiæ alia caveantur.

## F I N I S.



CLARISSIME PROFI,

Q Uod tantos Medicâ toleraris in Arte Labores,  
non Te pœniteat: licet, en! jam carpere fructus  
dulces, quos præbet gustandos nostra cathedra.

Queis aditum pandit nunc ad Doctoris honores.

Candida successus TIBI det fortuna perennes!

*gratulab. deprop.*

Rud. Wilhelmus Krauß/ D. P. P.

D Ementem strepitum doces,  
qui rixæ metuens deditus est jocis;  
Et quos flamina tibi  
ducunt, nec tacitâ fistula cum lyrâ



*insanire facit, domas.*

*Donantur merito premia commoda;  
Rubrà Te nitidum comâ*

*Doctorem lateri jungere purpura  
tempestiva cupit brevi,*

*atq; hinc Te patriæ reddit amor mea.*

*Nobilissime Profi,*

Quam Lusatiae meae operam debui, illam à Te expectat eadem, ego verò laudatissimam eruditionem, dexteritatem & mores inculpatos, singula medendi peritiae singulari juncta, tantoque magis conspicua, Patronis commendo

P R A E S E S.

**A**rtis Apollineae fidus prænobile PROFÍ,  
indefessa tuum commendat cura laborem.,  
quem sedulò tractas. Via nulla tibi invia. Lætus  
nunc scandis cathedram, claros Doctoris honores  
& titulos ambis. Feliciter omnia cedant!

*Nobiliss. Dn. Doctorando gratulabundus pos.*

Augustinus Henr. Faschius, D. P. P.

**D**um choream Viti contendis tollere tristem,  
egregiasq; potes nos arte docere medelas,  
concilias subito calidum JUNONIS amorem  
que gratas saltim choreas amplectitur illex.  
Hinc Tibi mox tales spondet sociamque venustam!

Nobilissimo DN. DOCTORANDO, Faurori suo & Amico æstimatissimo, novos honores jam dudum promeritos ex animo gratulatur

Joh. Georg. Brem/ J. U. D.

B. L.

Errata, quæ ob temporis brevitatem irrepsere, ipse corriges; unum saltim notamus præcipuum, p. 8. l. 13. leg. venas.



GEORGIUS VVOLFF.  
GANGUS WEDELIUS,  
MED. DOCTOR, THEORETICES  
PROFESSOR PUBLICUS, ARCHIATER  
DUCALIS SAXONICUS, h. t. FACULTA-  
TIS MEDICÆ DECANUS, -

*LECTORI BENEVOLO*  
S. D.



GEORGE WOLFE  
CARRIAGE WHEELS  
MED. DOCTOR, THEOR. PHYSICIAN  
PROFESSOR OF THEORETICAL PHYSICS  
AND OF THE THEORY OF  
THE MECHANICAL  
ELECTRICITY

FACTORY BEHIND THE  
STATION

THE  
GEORGE WOLFE  
CARRIAGE WHEELS  
FACTORY  
BEHIND THE  
STATION  
LONDON  
W.C.





*Spiritus animales præstare sensum &*

*motum* axioma medicorum est non minus

antiquissimum, quàm utilissimum ad Φαι-

νόμῳ animati corporis plurima explican-

da. Τὸ πρῶτον τῆς ψυχῆς ὄργανον εἰς τὰ τὰς

αἰσθήσεις ἀπασας τῶ ζώῳ, καὶ προσέτι τὰς καθ' ὅρμην κινήσεις

τὸ εἶναι τὸ πνεῦμα, *primum animæ instrumentum ad sen-*

*sus omnes, & item ad motus qui ex appetitione fiunt, hunc*

*esse spiritum*, disertis verbis asserit Pergamenus l. 7. de

Hipp. & Plat. decret. c. 3. Si Hippocratis consulamus ora-

cula, idem quoque stabilitum licet offendere; Ὅνῃς,

inquit, τὴν φροῖνησιν καὶ τὴν κίνησιν τοῖσι μέλεσι παρέχει. Aer

*sensum & motum membris exhibet*, l. de morb. sacr. c. 8.

t. 12. Per aerem intelligi spiritum animale, quamvis

ab externo videatur illum in corpus arcessere, totius libri

& textus συνάφεια evincit, præcipuè cum passim, v. g.

loc. cit. c. 6. t. 22. 25. πνεῦμα *spiritum* nominet illum ipsum,

quem hic aerem dicit, quod Prosper Martian. comm. in

*hunc librum vers. 183. p. m. 125.* latius confirmat. Notatur

hoc ipso hujus spiritus natura subtilis & aerea, factâ in

cerebro majori alcoolisatione spiritus vitalis. Elegan-

ter verò φροῖνησιν vocat, quod nos sensum potius, quàm sa-

pientiam vertimus, sensu enim sapiunt partes, tanquam

instrumento cognoscendi & volendi; & hoc ipso expri-

mitur sensus energia, quod non sit simplex apprehensio,

sed combinata cum aliquo judicio. Tertium quoque

nomen apud eundem divinum senem occurrit spiritu-



um, in solenni illâ partium omnium divisione, in τὰ ἔξωτα, ὀρεῶντα, & ἐνὶ ὁρίσιν ὄντα, quod *Lindenius* continentia, contenta, intus permeantia corpora vertit; vulgò rectius, partes continentes, contentas & impetum facientes. ut *Hoffmannus l. 2. instit. med. c. 1. p. 22.* reddunt. Ut verò certum est intelligi partes solidas, quæ robur simul exhibent, fluidas, seu humores, & spiritus, teste *Galeno l. de palp. & trem. c. 5.* ita si vim vocis spectemus & significationem propriam, τὰ ὀρεῶντα *moventia, impellentia* sunt explicanda, ut innuatur, spiritus reliquis motum largiri. Largiuntur spiritus motum omnem, non uno verò modo, sunt enim & fluidæ & solidæ movendæ partes. Deprehendimus verò in corpore duplicem motum potissimum, unum *intestinum* perpetuum, cujus principium cor est; alterum *localem*, κατὰ βᾶσιν quibusdam dictum, autore *Gal. comm. in Tim. Platon. t. 2.* quos & naturalem ac animale, seu voluntarium appellant, dispensatum à cerebro. Uterque debetur spiritibus; intestinus quidem vitali, localis verò animali magis. Ille enim fluidarum proprius est, quibus hinc vitalis magis præsidet, nisi forsan naturalem quandam sero seorsim tribuere velimus; hic solidarum, animalium regimen & impulsus agnoscentium, ita tamen ut hoc limitatum sit animæ ipsius, tanquam primarii motoris in corpore, nutu & imperio. Neque enim audiendi sunt, qui animale à vitali non distinguunt, cum *Helmontio*, (alibi tamen moderatiori, *l. spir. vit. t. 29. p. 161.*) verentes confusionem. Siquidem, ait, in unicâ navi, unicus tantum clavo rector assistit, nec plures absque confusione sese compatiuntur. *l. sextupl. digest. p. m. 178.* Omnia parent animæ, ut navarcho plures nautæ vel remiges.



ges. Sororiantur inter se sensus & motus, unde nullus motus, præterquam in parte sensili visitur, uterq; commercio animæ ad extra versus quæcunque objecta moventia inserviens, ille nempe cognitioni, hic appetitui. Spiritus intus agit, offerens simul ideas sensiles & parens rectori ad volendum vel cognoscendum disposito, sive irradiationem, sive undulationem quandam, utramque momentaneam, ab animâ indictam, concurrere statuamus. Satis est portitores hosce continuo & individuo tramite affluere, congregari & jam dum spiritu vitali foetis humoribus conjunctis, & utriusque concursu solidis in omnes motus aptis imprimere motum, prout visum appetitui, seu superiori facultati fuerit. Robur verò ultimum sustinent fibræ motrices musculorum, in carnosis hisce partibus velut circinatae, adeoque validiores longè redditæ ad sustinendum onus, transferendum & movendum corpus, alioqui sat grave, concurrentibus variis membrorum tenaculis, articulis & flectendi modis diversis. Fit tamen & hîc non rarò, ferri equis aurigam nec audire currum habenas, motûs puta inordinationes multivariæ. Quandoque tensa quasi notatur machina, æquali vel transverso, ante vel retrò, positu, quod utut rarum, non semel tamen vidimus. Sæpius sollicitatis & irritatis alveis motus spasmodici irregulares visuntur, prout vel imperium simul regentis animæ respuitur planè, vel contrà naturam fluidæ partes moventes ordinarias disponere erroneè nituntur, & membranosa sensui velificantes carnosus motum sustinentibus inversum officium deferunt; seu sensus turbentur simul, seu sibi relictî dolorem amissi imperii concipiant majorem. Vidimus olim in virgine dysentericâ motus digitorum



spasmodicos, non aliter dispositos, ac si ad pulsandas claves organi musici harmonicum præ se ferrent motum. Verbo ad modulum naturalium motus specierum etiam irregulares & morbosi reverà visuntur distincti, modò contractis, modò extensis, modò tensis manentibus, modò de loco in locum agitatibus membris; frequentius tamen vel tonici sunt, vel cum κλόνω. Inter hæc rarior ideoque consideratione dignior est motus subsultorius, quando vel spumascēte magis lymphâ titillationem & subsultum concipiunt spiritus, hisque auscultans phantasia, vel consimili titillatione in partibus nervosis & membranosis ortâ in tripudia insana aguntur corporis extrema. Latius id digessit in DISSERTATIONE INAUGURALI DE CHOREA S. VITI Clarissimus & dignissimus artis medicæ Candidatus, Dn. GOTTLIEB PROFIUS, SORAVIENSIS LUSATUS, de cujus vitâ, modestis & pudicis moribus, adulto ingenii robore, ac eruditione singulari quædam dicenda veniunt. Vitalem auram haurire cœpit Anno Christiano M DC. LIV. d. IX. Jun. S. N. editus integerrimis parentibus, patre HENRICO PROFIO, cive Sorano, matre ANNA HESSIA. Mox quinto ætatis anno piissimo patre orbatus curæ cum matre divisæ cessit patriæ Scholæ præceptorum fidelissimorum, inprimis Viri Amplissimi & Clarissimi Dn. GEORGII LAGISII, tunc temporis Rectoris, nunc Prætoris, cui insignissimas grates & laudes se debere profitetur, & Dn. JOHANNIS HEINRICI HEINSII Conrectoris meritissimi p. m. Ubi verò tandem orphano alium surrogasset Deus, conditione matrimonii vitricum, animo parentem, VALENTINUM CONRADI, Civem Soranum optimum b.m. consilio Parentum ad inclytum



Görlicense pervenit Gymnasium Ann. M DC. LXXI.  
 mense Aprili, imbutus ibidem, ad *Seneca* monitum, non  
 literis modò, sed & bonis moribus, ac, quod præcipuum est,  
 pietate, Doctoribus Clarissimis Dn. M. CHRISTIANO  
 FUNCCIO Rectore, Dn. M. ABRAHAMO VECHNE-  
 RO, Pro-Rectore; Dn. MARTINO RICHTERO Con-  
 Rectore, & Dn. ANTONIO SCHMIDIO, Sub-Rectore,  
 quorum egregiam dexteritatem, fidelitatem, operamq;  
 non potest nisi perpetuâ memoriâ venerari. Abunde itaq;  
 instructus literaturæ præsidiiis Ann. MDC. LXXV. d. XIX.  
 Aprilis ad almam hanc studiorum matrem SALANAM  
 commigravit, eo quidem laudabili proposito, ut tanquam  
 ad mercaturam bonarum artium profectus otio vacare  
 ac libidini, & inanem redire turpissimum duceret. Quare  
 ne necessaria incrementa profectuum negligeret, Philo-  
 sophicis lectionibus usus est sedulò, in primis Physicis Am-  
 plissimi & Excellentissimi Dn. CASPARIS POSNERI,  
 Naturalis scientiæ Professoris Publici famigeratissimi, &  
 Logicis Reverendi & Clarissimi Dn. M. JOHANNIS  
 ADOLPHI FROHNII, t. t. Facult. Phil. Adj. nunc Pastoris  
 Lemgovienſis. Ad Medicinam cum animum appulisset  
 præcipuè, artis divinæ Professorum celeberrimorum in-  
 formationi se totum dedit publicæ & privatæ. Audi-  
 vit Nobilissimum, Experientissimum & Excellentissi-  
 mum Dn. D. RUDOLPHUM WILHELMUM Krauß/  
 Pract. & Chim. Professore Publ. & Facult. Seniore  
 venerandum, in Affectus Capitis, artemque chemicam  
 publicè commentantem, domique centra mixtorum vi-  
 vâ voce & igne referantem. Comitatus Nobilissimum,  
 Experientissimum & Excellentissimum Dn. D. AUGU-  
 STINUM HENRICUM FASCHIUM, Anatomiae, Chi-  
 rur-



rurgiæ & Botanices Professore Publ seu florum herbarumque historiam in hortis & sylvis panderet, seu chirurgiam doceret, seu cadavera humana secaret exercitato cultro Me quod attinet, cum in partem testimonii vocer, laudem assidui & exoptatissimi auditoris omninò conferre Candidato huic debeo. Per plures enim annos lectiones & publicas, nunquam studio dilatas, studio indefesso excitavit suo, & privatas quoque plures, unicè id agens, ut solidam, non superficialiam acquireret eruditionem, nullâ neglectâ medicinæ parte, nullâ discendi occasione. Publicè etiam, sub nostro ductu, partem PHARMACIÆ in A. F. R. de spiritibus, sulphuribus, tincturis & vitris, disputando defendit strenuè. Hausta hinc avidè cum probè digessisset, perfectos & maturatos studiorum fructus publicâ commendatione patriæ offerre gestiens, quâ decet modestiâ nuper petiit, ut in numerum Candidatorum recepto aditus ad consueta examina concederetur. Tanto promptius adnuit Facultas petenti, quantò magis omnibus & singulis constabat merentissimum eundem esse & genuinum artis filium. Restat ergò, ut, cum ex voto satisfecerit nobis, & publicè ingenii has doctes probet in laudatâ Disputatione Inaugurali, sub nostro Præsidio, ad d. XI Februarii habendâ. Huic panegyri ut Magnificus Dn. Rector, Magnificus Academiae Designatus Rector, omniumq; Ordinum ac Facultatum lumina, Professores, Doctores, Hospites & Fautores honorificâ suâ præsentiâ interesse dignentur, nomine Facultatis perofficiosè & amicè precor. P. P. sub Sigillo Facultatis Medicæ. MDC. LXXXII, D. V. Febr.

